

詳校官助教 李巖

臣 紀昀 覆勘

欽定四庫全書

普濟方卷一百八十八

諸血門

總論

明 周王朱橚撰



夫人之所以滋養其身者惟氣與血血為榮氣為衛榮行脈中衛行脈外周流不息五十而復大位陰陽相貫如環無端焉蓋血猶水也水由地中行百川皆理則無

壅決之虞血之用流于身上透泥丸下至涌泉灌溉諸經榮養百脈內不為七情所鬱外不為四氣所傷自然順適萬一微爽節宣則血氣逆亂榮衛失度皆於常經或澀或散或下而忘返或逆而上行乃有吐衄便利汗痰諸證生焉夫血之妄行固由積熱所致然其證多端難以概而論有因飲食過飽負重傷胃而吐者有思慮傷心并積熱而吐血衄血者有傷勞心肺又為七情所干而咳血吐血者心主血肝藏之而脾為之統過思傷

脾亦能令人吐血治之須究其因傷胃者調胃安血勞心者補益其心志血熱則清之氣鬱則順之脾傷則安之病之淺惟有早灸膏肓而已至若肺生疽瘡從上墜下一應傷折皆能吐血傷寒汗後不解鬱結經絡隨氣湧泄吐血衄血又當從各類求之凡心主血肝藏血肺主氣血為榮氣為衛六氣不傷七情不鬱榮衛調平則無壅決之虞節宣失宜必致壅闕遂不得循經流注失其常度故有妄行之患焉夫血之妄行也未有不因熱

之所發蓋血後得熱則淖溢血氣俱熱血隨氣上乃吐
衄也太抵寸口脈微而弱氣血俱虛則吐血關上脈微
而芤為失血沉細者易治浮大者難治久吐不瘥面色
黃黑無復氣血或發寒熱或惡寒者亦難治凡吐血有
三種有內衄有肺疽有傷胃內衄者出血如鼻衄又有
不從鼻孔出是近從心肺間津液出還流入胃中或如
豆羹汁或如切蠟血凝停于胃中因即滿悶便吐或去
數斗至一石者是也肺疽者或飲酒之後毒滿悶吐之

時血從吐後出或一合半升是也傷胃者因飲食大飽
之後胃中冷則不能消化便煩悶強嘔吐使所食之物
與氣共上衝臍因傷裂胃口吐血色鮮正赤腹絞痛白
汗出其脈緊而數者為難治也問曰病胃脇支滿妨於
食病至則先聞腥臊臭出清液先唾血四肢怠惰目昏
眩前後血病名為何何以得之對曰病名血枯此得之
年少時有所大奪血若醉入房中氣竭而肝傷故使月
事衰少不來也治以烏賊骨蔞茹二味并合丸以雀卵

大如小豆以五丸為率飯後以鮑魚汁下利腸中及傷肝也凡吐血後體中但覺奄奄然心中不悶者輒自愈假令煩躁心中悶亂紛紛嘔吐顛倒不安醫士又與黃土湯阿膠散益加悶亂卒至不濟如此悶者當急吐之上焦有邪則傷諸臟臟傷血下入於胃胃得血則悶滿氣逆氣逆故吐血也凡醫人不明發表攻裏亂投湯劑有悞性命更大忌夏月燔灸中脘臍下關元氣海背俞三里等燔灸千百壯者全無一效使病者及受其殃虛

勞之疾凡肉食熱麪辛酸之物不可食所可食者菠菱葵菜冰水清涼之物無所禁忌蓋得寒涼滑利腸胃使氣並無壅礙燥澁經曰穀入于胃脈道乃行水入于經其血乃化若不忍慎致令病人胃口閉澀則形軀漸瘦此乃死之由也但諸人咯膿血衄血大小便血者可服三黃丸黃連解毒丸涼膈散加桔梗當歸大黃芍藥犀角地黄湯大作劑料時時呷之內經曰所謂邪熱傷於肝心之病依此調治萬舉萬全矣人之一身不離乎氣

血凡病經多日療治不痊須當為調血血之外證痰嘔
燥昏潰迷忘常喜湯水漱口不問男女老少血之一字
請加意焉用藥川芎蓬朮桃仁靈脂生地黃柏大黃為
要嘔甚者多加生薑以此先利其宿瘀嗣茯苓神川
芎甘草調理之血隨氣行氣逆而上奔則血不循於經
絡而涌吐矣人之吐血出于上焦有熱固也然能用柴
胡黃芩蒲黃毛花等輩而不能用枳殼北梗青皮生薑
烏梅之類又不能用通利圓子以開其中腕導其大便

則氣如何而下降血如何而下行吾恐逆奔而上有不
可得而止之者若夫依前治法血止而後又當以人參
川芎當歸茯苓橘皮半夏甘草為之調理虛則加木香
熱則加柴胡壅則加桑皮荆芥其人脈澹必有漱水之
證必有嘔惡痰涎之證必有兩脚厥冷之證亦必有小
腹結急之證或唾紅或鼻衄此皆滯血作熱之明驗也
用藥不止于柴胡黃芩當以川芎白芷桃仁五靈脂甘
草佐之大使秘結者於中更加大黃濃蜜使滯一通黑

物流利則熱不復作

吐血 附論

夫吐血病有三種一則緣心肺蘊熱血得熱則妄行下
 流入胃胃受之則滿悶氣道責衝故令吐血二則虛勞
 之人必肺內傷恚怒氣逆肝不能藏血投虛而出因怒
 氣逆甚則嘔血三者緣酒食飽甚胃間不安或強吐之
 氣脈奔亂損傷心胃血隨食出此名傷胃各隨證以治
 之

方

當歸大黃湯

出千金方

治吐血胃中寒痛

芍藥 乾薑 茯苓 桂心 當歸 大黃 芒

硝 各二兩 阿膠 甘草 人參 各二兩 麻黃 一兩 乾地黃

四兩 蝨蟲 水蛭 各八枚 大棗 二十枚 桃仁 百枚

右咬咀以水一斗七升煮取四升分五服日三夜二

黃土湯

一名乾地黃湯出千金

治吐血方

伏龍肝 雞子大 二枚 桂心 去麤皮 乾薑 炮裂 當歸 芍藥

白芷 甘草 灸 阿膠 芎藭 各一兩 生乾地黄 八兩 焙

細辛 半兩 去苗葉 吳茱萸 二升

右以咀以酒七升水三升合煮取三升半去滓內膠煮取三升分三服亦治血衄一方無阿膠空心食前溫服

救脈湯 一名人參救肺 散出試效方 治吐血咳血

升麻 柴胡 人參 蒼朮 各一錢 當歸稍 熟地 黃 白芍藥 黃耆 各二錢 蘇木 兩半 甘草 陳皮 各半

錢

右為散作一服水二盞煎至一觥去粗溫服食前

羚羊角湯 出聖濟 總錄 治吐血

羚羊角 三兩 伏龍肝 五兩 熟艾 炒一兩 地榆 去土 牛膝 去苗

酒浸 牡丹皮 去心各二兩 芍藥 剉四兩 阿膠 炒令燥 一兩 栢葉

灸 大薊根 各三兩 雞蘇葉 一握 蟻螬 慢火炙 黃五枚

右為粗散每服三錢水一盞入生薑半分拍碎同煎

至七分去粗溫

二神湯 出朱氏集驗方

治吐血絕妙治男子婦人吐紅之疾蓋

是久病或作急勞損其榮衛壅滯氣血遂致妄行所

致若投以藕汁生地黃等涼劑治之必求其死矣每

遇患者用藥甚簡

甘草 炙 乾薑 炮等分

右為末每服二錢水一中盞煎至五十七沸帶熟呷

空心日午進之和其氣血榮衛自然安痊不可不知

地黃飲 出千金方 治忽吐血一兩口

乾生地黃 焙五兩 王不留行 牡丹皮 各二兩 赤芍藥

炒草薢 各四兩 麥門冬 去心焙 續斷 牛膝 切焙 阿膠 炙燥

各三兩 蟻螯 研五兩

右麤搗篩以生地黃汁三升水三升并蟻螯同煎至三升半去粗分溫六服空心食前不瘥更合數劑取

瘥

赤芍藥散 出聖濟總錄 治吐唾血

赤芍藥 當歸 切 附子 炮裂去皮 黃芩 去黑心 白朮

甘草 炙 剉 各 一兩 阿膠 炙 燥 二兩 生乾地黄 焙 乾 四兩

右為末每服三錢空腹溫酒調下日三服

桑白皮散

桑根白皮 六兩 生薑屑 六兩 栢葉 六兩 雞蘇 各 四兩 小薊根

五兩 乾地黄 七兩 青竹茹 一升 地松 三兩

右搗散煮桑白皮飲和一方寸七日再漸漸加至二

三七以竹瀝下亦得

白朮散 出醫方 大成 凡吐血咯血鼻衄其得之甚多因積熱

甚或飲食過馳騁傷胃絡也不然驚恐悸怒怒使氣

逆上而不下行血隨氣而鬱積胃間久則吐血咯血

鼻衄宜服此行榮衛順氣止血進食退熱惟忌食熱

麩煎燂海物猪雞一切發風之物不宜甚飽得所自

然胃膈空利氣血順也 昔蘇少連病此極可謂百藥不效偶姜昌傳此方服之遂

愈後濟 人屢效

白朮 二兩 人參 去 蘆 白茯苓 去 黑皮 黃耆 各 一兩 柴胡 去 蘆

一分 山藥 去 心 各 三分 百合 去 心 各 三分 甘草 半 兩 前胡 去 蘆 一分

右到散每服一錢半水一盞薑三片棗一枚同煎至六分溫服日三服

茅根散 出經驗良方 治吐血

雞冠花 馬藍菜根 柳枝 楓枝 白茅根

生薑 甘草 各等分

右咬咀以酒一升半童子小便一盞瓦器濟固煮至一升去滓溫服

雞蘇七味湯 治吐血蓋此病有兩種一者緣墮損

內傷而致此病二者緣積熱兼勞而有此病若內傷自須依前內損大便血等諸方救之若積累勞吐血狀更無餘後但覺心中悄悄似欲取吐背上煩熱便致此病宜以此藥及桑白皮散療之

雞蘇 五兩 生地黄 切 青竹茹 各一升 生薑 桑白皮 各六

兩 小薊根 切六 生葛根 切六

右切以水九升煮取三升去滓分溫三服服約相去如人行十里久若一劑得力欲重合服至四五劑尤

佳隔三四日服一劑如未定則宜合前桑白皮散服之

犀角湯 出千金方 治吐血酒客温疫中熱毒乾嘔心煩者

蒲黃 犀角 枯萋根 甘草 各二兩 葛根 桑寄

生 各三兩

右呖咀以水七升煮取三升分三服

通聖散 出聖濟總錄 治肺損吐血嗽血

金星石 銀星石 雲母 太陰玄精石 陽起

石木不灰

用藥等分以甘錫子一枚先以羅過紫冬灰 即水牛糞是也 可

厚一二寸鋪藥一重以灰一二寸築令實又鋪藥一

重准前以灰蓋後鋪藥盡為度上下以灰封蓋以泥

固劑不限藥多少皆用炭一秤於靜室中周密不通

風處火煨一日一夜候冷取於淨地掘一坑子深一

尺許埋錫子一宿取出先揀出藥塊子餘以麓羅羅

去灰耿藥碾為末更入乳鉢研令極細即入罐子內

收之每藥末一兩入龍腦射香各半錢阿膠一分炒
同研入前件藥末一兩內合和令勻每服一錢或半
錢以糯米少許細研入薄荷汁各少許同煎為飲後
溫調下空心日午臨卧各一服

烏金散

出聖濟
總錄

治吐血及一切血病諸藥不效者

鯪鯉甲

鑄犀角

黃明膠

赤鯪魚皮

各一兩

胎

髮

一兩半

獨角仙

一枚去
翅頭足

用瓦藏瓶一枚底下開竅內藥以紙筋泥固濟暴乾

用炭五斤簇燒纔候烟絕撥去火放冷取出研細為
散每服一錢旋入膩粉少許吐血鼻衄不止新汲水
調下產後血暈昏迷悶亂不知人冷醋湯下血氣溫
酒調下哈血及血積藏毒下血赤白痢血痢蠱毒痢
腸風及五痔下血並米飲調臨卧空腹服更相度虛
實可加至二錢服藥後取下積聚物效

紫蘇散

出聖
惠方

治吐血并衄血不止

紫蘇

生乾地黄

各二兩

桂心

當歸

牛膝

去苗

阿

膠

搗研炒令黃
燥各一兩

右為散每服五錢以水一中盞煎至五分去滓每於食後溫服之

天門冬丸

出醫方大成

治吐血咯血大能潤肺止咳

天門冬

一兩

甘草

白茯苓

阿膠

各半兩

杏仁

炒貝

母貉

七錢

右為末煉蜜丸如梧桐子大每服一丸燕津含化夜可十丸大能潤肺止咳

五通散

出聖濟總錄

治吐血

巴豆

五十枚
去皮

白麩

一兩

郁李仁

三百五十枚

鹽豉

三百五十粒

伏龍肝

二兩

用鍋子內炒熟不住手攪以青烟為度傾出放濕地出火毒為末每服半錢溫蜜水調下如患咯血用前件藥末一兩鄆州蛤粉二兩同研羅細每服一錢薤汁半盞生油兩點食後調服

阿膠散

出聖濟總錄

治男子婦人咯血吐血

阿膠

炒令燥

白芨

白芷

白斂

黃蘗

去蘗皮蜜水浸炙赤

色各一兩

右為散每服三錢糯米粥飲調下空心食前服小兒量減

竹葉芍藥湯

出聖濟總錄

治吐血衄大小便出血

竹葉

六合

赤芍藥

甘草

炙剉各一兩

阿膠

炙燥三兩

當歸

焙切

半一兩

右麤搗篩每服五錢水一盞半煎至八分去滓溫服

食後日二服

人參湯 治吐血咯血

人參

川芎

茯苓

半夏

製各三分

甘草

各一分

右剉每服三錢薑五片煎服

固榮散 治吐血便血

白芷

半兩

真蒲黃

炒一兩

甘草

炙三錢

地榆

去蘆一兩

右為末每服三錢溫酒調服如氣壯人加石膏半兩一方用溫湯調服

犀角地黄湯 寸朮血在胸吐血者

生地黄 二兩 黃芩 一兩半 黃連 一兩 大黃 半兩

右以咀水二錢秤一兩煎至一盞去滓食後服之

烏梅散 治吐血

馬鞭草 二錢 罌粟殼 大者四個 去穢梗 甘草 二錢 大烏梅 一個

右為麤末每服三錢水一盞半煎至八分去滓日午

空心臨卧服

黃耆散 治吐血

黃耆 剉 白芨 白斂 黃明膠 炒令燥 各二兩

右為散每服二錢糯米飲調下

絳雲散 治吐血

栢葉 百合 人參 阿膠 炙令燥 各二兩

右為散每服二錢用糯米粥飲調下

煮肺散 治吐血補肺

杏仁 一百二十九粒 去皮尖新瓦上焙研 百合 四兩 糯米 一合 蔥白 三莖 同杏

法仁

右和勻猪肺一具入藥在內麻線繫沙鍋內煮水去
一半翻轉令熟竹片切葱藥細嚼蜜湯下服至五具
為度

艾葉散 治吐血內崩上氣面色如土

乾薑 阿膠 栢葉 各二兩 艾 一把

右以水五斗煮取一斗內馬通汁一升煮取一
升頓服一方名栢葉湯不用阿膠小品不用栢葉

瓜蒂散 凡吐血後體中但有奄奄然心中不悶者輒

自愈假令煩燥心中悶亂紛紛嘔吐顛倒不安醫工
又與黃土湯阿膠散益加悶亂卒至不濟如此悶者
當急之上焦有邪則傷諸臟臟傷血下入於胃胃得
血則悶滿氣逆氣逆故吐血也 一名人參湯

瓜蒂 二分 杜衡 人參 各一分

右為末每服一錢或無水醬但得下即可行人少減
之吐去青黃或吐血一二升無苦

辰膠散 治大人小兒吐血

炒阿膠 蛤粉各一兩 辰沙少許

右為細末和粉紅色藕節搗汁和蜜調下

神效金珠丸 治吐血

丹砂半兩 金箔四片 蚯蚓三各

右先將金箔丹砂研細後將蚯蚓同研和前二味為

丸如小皂子大每服一九冷酒下不可嚼

神效散 治吐血咯血一名鹿角膠丸

鹿角膠炙令燥 黃蘗去麋皮各半兩 杏仁四十九枚湯去皮尖麩炒黃

右為散每服一錢用白麩一錢溫水同調下食後再服一方煉蜜為丸如櫻桃大每服一九含化嚥津

金粉湯 治吐血

熟乾地黄焙 蒲黃各一兩 芎藭半兩

右麤搗篩每服三錢水一盞半糯米十四粒同煎至

七分去滓溫服

綿灰散 治吐咯咯血

新綿一兩 黃明膠炙令燥 黃蘗去麋皮蜜炙為末各一兩

右細研每服一錢地黄汁糯米飲相和調下食後臨卧服

金沙湯 治吐血咯血

紫金沙 野蜂窠蒂 是半兩 貝母 去心二錢生用 蘆薈 一錢

右麤搗篩每服二錢水半盞入蜜少許煎一兩沸去

滓細呷空心食後臨卧服

紫參散 治吐血熱極

紫參 阿膠 炒燥各二兩 甘草 炙剉二兩

右為散每服二錢溫糯米飲調下不計時候

杏蜜膏 治吐血

猪肺 一具用瓷器煮爛冷水浸去膜 杏仁 去皮尖雙仁炒 蜜 熬熟各二兩

右同研飯上蒸入木香附子末各二錢和勻成膏每

服半匙酒一盞調下日三

藕汁散 出聖濟總錄 治吐血

白茯苓 去黑皮 生乾地黄 焙 蒲黃

右等分為細末每服二錢生藕汁半盞調勻頓服立

止

三物湯

出聖濟總錄

治吐血及大小便血

生地黄

七兩半

阿膠

炙令燥三兩

白斂

八兩

右以咀每服七錢水二盞煎至八分去滓空腹溫服

地黄阿膠散

出聖濟總錄

地黄汁

六合

牛皮膠

一兩細切

生薑

一塊如大梅指挺

右先用銅器中煎十數沸次下牛皮膠煎令消濾去去薑分作兩服喫便止或微轉一行不妨

固榮散

出朱氏集驗方

治吐血

蒲黃

地榆

各二兩

滑石

四兩

甘草

半兩

右為細末每服五大錢溫酒調下次用後藥

震靈丹

二十九丸

黑錫丹

二十九丸

養正丹

十九丸

來復丹

三十丸

右件一處作一服用湯使隨意下

黃耆散

出指南方

治吐血

黃耆

糯米

阿膠

炒燥等方

右為末米飲調下二錢不計時候

治吐下血

用枸杞根皮子為散煎服

治吐血咯血

用白膠一兩切作小片子炙令黃新綿一兩燒作灰
細研每服一錢新米飲調下不計年歲深遠並宜食
後卧時服

伏龍肝散 治吐血瀉血心腹痛

多年聖壁土 地爐中土 伏龍肝

右等分每服一塊如拳大小二碗煎一碗澄清服白
粥補之

地黃煎 一名活驚煎

出聖惠方

治心經火熱脈洪數或吐或衄

生地黄汁 半升 大黃 一兩

右將地黃汁熬乾一半入大黃末熬成膏圓如梧子
大以熟水下五丸食後未止加至十丸一方作散温
地黃汁一沸入大黃攪和空腹服一方每服二十九
米飲下

青香柿

出澹寮方

治吐血

銅青

白膠香

各一錢

右為末入乾柿內濕紙裏煨嚼喫

雲雪散

出聖濟總錄

治吐血

雲雪

寒食麪是

蒲黃

各一兩

右並生用研勻每服二錢冷水調下

香草湯

出聖濟總錄

治吐血

莎草根

去毛五兩

甘草

一兩剉炙

右麤搗篩每服二錢水一盞煎取七分去滓溫服連

進數服

朱粉散

出聖濟總錄

治諸般吐血

丹砂

研飛

蛤粉

右等分研細合和令勻每服二錢酒調下

黃藥散

一名防己散出王氏博濟方

治吐血咯血

黃藥子

防己

右等分搗為末每服一錢煎小麥湯調下吐甚者一

服減二服定

地黄飲

一名地黄煎
出聖惠方

治肺損吐血不止及舌上或出血

如簪孔

生地黄

八兩研
取汁

鹿角膠

一兩炙燥
碾為末

右先以童子小便五合於銅器中煎次下地黄汁及

膠末打令勻煎令鎔十沸後作三服當止一方入生

薑汁一方粥米飲湯調二錢服一方專用童子小便

訶梨勒散

出聖濟
總錄

訶梨勒

生為末

白麩

炒

右等分每服二錢糯米粥調下

白膠散

出滄
察方

治吐血

地黄汁

一升
二合

白膠香

二兩

右以瓷器盛入甑蒸候膠消服

地黄煎 治吐血

地黄汁

生用

藕節汁

蜜

右各等分銀銚兒煎畧沸待温用匙挑入口

補肺散

出衛生寶方

治肺破吐血嗽血治不瘥者

豬肺

一具不破者

雌黃

三錢研細

蒲黃

三錢炒熟

桑白皮

半兩為末

右三味和勻入白麩少許水調灌入肺內繩子縛肺口煮熟任意喫之立效

小薊散 治咯血吐血

佛座草

小薊

各等分

右為細末每服一錢用稀粥飲下

栢葉散

澹寮方

治吐血下血其證因內損或因酒食勞損

或心肺脈破血氣妄行血如湧泉口鼻俱出須臾不救

側栢葉

蒸乾

人參

各一兩焙乾

右為細末每服二錢入飛羅麩二錢新汲水調如稀糊啜服湧如血泉不過二服即止無前藥用荆芥一握燒過蓋於地上要出火毒細研如粉陳米飲調下三錢服不過二服即愈又無前藥用釜底墨刮下研細如粉每服三錢濃前米調下連進二服荆芥穗同

服

治忽吐血一兩口或是心衄或內崩方

出千金方

用熟艾三雞子許水五升頓服

血餘散

出聖惠方

治吐血或心衄或內崩或舌上出血如簪

孔者用燒亂髮灰水服方寸七日三服一方汗鼻出

血用一字吹入鼻中吐血衄血米飲湯調下亦治小

便出血

又方

出聖惠方

治吐血

用桂心末以糯米粥飲調下方寸七日夜二十服一

方水湯各半盞濃調趁熱喫南陽趙宣德患服之如

神其甥亦患二服永安

治吐血憂恚絕傷胸隔疼痛及虛勞唾血

用生地黃五斤絞取汁右於銀鍋內微火煎三沸投

白蜜一升又煎取三升每服半升日三主胃痛百病

久服佳一方治吐血不止用生蜜和調服之一方用

地黃一升生薑汁一合相和溫服日四五服一方治

虛勞吐血生地黄五斤擣酒一升煮去滓服

紫菀丸出指南方治吐血後嗽血

紫菀去苗土五味子炒各等分

右為細末煉蜜為丸如彈子大每服一丸含化

治吐血出百一選方

用松烟墨汁服之

地黄煎丸出余居士選奇方治吐血遍服藥不效者

用生地黄一斤洗淨細搗取汁其滓再入好酒少許

又取汁令盡附子一兩半炮去皮臍切作片子入在

地黄汁內用銀石器熬成膏其附子取出焙乾更用

乾山藥三兩同為細末却以地黄膏子和成劑木臼

杵一二千下丸如梧桐子大每服三十九丸漸漸加至

五十丸空心米飲下昔葛察判妻苦此病百藥皆試

得此方服之取效後雖發屢服有驗

掌中金出百一選方治吐血

用真蒲黃黃藥子等分用生麻於手心內調以舌舐

之

藕節散 出經驗良方

治吐血咯血

用藕節研汁調飛羅帶稀服

柳花散 出經驗良方

治吐血

用柳絮不拘多少焙乾碾為細末温米飲下

治吐血 出余居士選奇方

用蠶蛻子不拘多少燒灰二錢井水調下

青金散 出肘後方 治吐血咯血

用乾蓮葉即經霜敗荷葉最佳用蓮葉燒灰為末二錢飯飲或井花水調下食後及臨卧服一方焙乾為末

治吐血 出經驗良方

用白雞冠花黃醋浸煮七次為末二錢熱酒下

鬱金散 出經驗良方 治吐血嘔血

用鬱金甘草等分為末新汲水調下一錢甚者三服

愈

荊芥湯

出經驗良方

治吐血咯血

用荊芥連根洗淨搗汁半盞飲之無生者穗為末熟水調溫服之

又方

出經驗良方

用黃丹不拘多少細研發時用新汲水調下二錢

龍骨散

出三因方

治吐血鼻衄過多不斷

用龍骨為末以竹管吹半錢入鼻中九竅出血皆可
用有有人衄一斛衆方不瘥此方即斷若血從耳出

亦吹之若時行熱毒血衄者亦斷一方用梔子如前
法

又方隨鼻左右以新水洗足

茜根散

出聖惠方

治大人小兒吐血

用茜根不計多少杵為細末大人每服二錢新汲水調下食一日三服小兒每服一錢或極小每服半錢
或一字一日亦三服一方以淡漿水煎水亦可一方
水一中盞煎至七分放冷食後服之良

治口中血腥吐血紅咳嗽

用熟地黄乾嚼酒下又為末酒調下

獨聖散

出聖濟總錄

治吐血

右用晚桑葉不計多少微焙為細末每服三錢冷臘

茶調如膏入射香少許夜卧含化嚥津只一服止後

用補肺藥

人參湯

出王氏博濟方

治吐血咯血

用人參一兩為細末五更雞鳴時打雞子清調如稀

糊匙抄服若服一兩人參盡甚好不盡半兩亦可服

訖却卧一方無雞子清一方烏雞清以水手磨成水

須磨千百次自然化成水然後用人參研為細末其

每一服二錢重調勻約五更服服藥時不得語仰噉

下自然覺心肺俱涼滿口津液如無烏雞子亦得終

不及烏雞子如此喫至十日未有不效者

槲葉散

出聖濟總錄

治吐血

右槲葉不俱多少為末每服二錢水一盞煎至七五

沸和滓温服不拘時候

糯米飲

出聖濟
總錄

治肺損吐血

用薜荔一二十葉紙包貼放着肉處至乾切不可燉收貼起如有患旋研羅作細末每服先研糯米濃飲煎若餅麩稀稠可八分一盞抄藥末一匙頭同攪調勻臨卧温服

黑神散

出聖濟
總錄

治吐血

用栝萋取端正者紙和泥通裹於頂間留一服煨存

性地坑內合一宿取出為散每服三錢糯米飲下再服之

艾灰散

出聖濟
總錄

治吐血

用艾不拘多少燒灰細研每服二錢新汲水調下又搗自然汁與蜜等分重湯熬為膏服治衄血不止

治吐血方

出聖濟
總錄

用蛇蛻燒灰研細每服一錢冷熟水調下不拘時候

天南星散

出聖濟
總錄

治吐血

用天南星一兩剉如散子大以炭灰汁津一宿澆出湯洗焙乾為散每服一錢酒磨自然銅調下

又方 出聖惠方

用白藥四兩燒存性以盞蓋地上出火毒為末每服三錢糯米飲調下

立效方 出聖惠方 治吐血

用側栢葉焙乾如倉卒難乾新瓦焙為末每服三錢米飲調食後服一方栢葉如赤土拌勻煉蜜為餅子

服一方栢葉半斤以水三盞煎取半盞分三服

比金散 出肘後方 治吐血熱極并嘔血

用黃薜二兩塗蜜於慢火上炙焦搗末每服二錢溫糯米飲調下一方麥門冬熟水調下

薊葉湯 出聖惠方 治心熱吐血口乾

用薊葉及根搗絞取汁每服一小盞頓服

治吐血立效方 出聖惠方

用白蒲薄紙五張灰以水調頓服之

治吐鮮紅方 出聖 惠方

用紅綿三寸燒灰研為末水調服一方用紅花

又方 出聖 惠方

以烏賊魚骨為散不計時候以清粥飲調下二錢

又方 出聖 惠方

右濃煮雞蘇汁飲之以多為妙亦療下血佳

槐花飲 出余居士 選奇方 治酒毒吐血方

槐花 一合 炒焦 白礬 五又 生

又方 右二味研細只作一服水一碗煎至半碗溫服立效

又方 用貝母一兩炮令黃為散不計時候以溫漿調下二錢

又方 以石榴樹根下地龍糞不限多少細研新汲水一中盞調三錢飲之

又方

用楮葉搗絞取汁不計時候服一小盞

羊角散 治吐血喘咳上氣者

羊角 二枚 炙焦 桂心末 二兩

右為末每服一二七日三服以糯米粥調下

麻黃人參芍藥湯 冬居曠室卧熱坑而吐血數次予

謂此人久虛弱臍有形而有火熱在內上氣不足陽

氣外虛當補表之陽氣瀉裏之虛熱冬居曠室衣服

單薄是重虛其陽表有大寒壅遏裏熱大邪不得舒

伸故血出于口因思仲景太陽傷寒當用麻黃湯重
發汗而與之遂成衄血却與之立愈此法相同遂用
麻黃桂枝湯

白芍藥 甘草 補肺 黃耆 麻黃 各一錢去其外寒 麥門冬

人參 各三分益三焦元氣不足而寔其表也 五味子 二箇安其肺氣 當歸

半錢和 桂枝 半錢以血養血 補表虛

右以咀作一服水三盞煮麻黃令沸去未至二盞入
餘藥同煎至一盞去滓臨卧熱服一服而愈更不再

作一貧者患此
病服之立愈

茯苓肝散 治吐血心胸氣急疼痛 方見本
嘔血類

地黃湯 治濃血嘔吐

生地黄 洗 川芎 焙 芍藥 各一兩 半夏 製 甘草 炙 南星 湯洗

芍藥 白芷 茯苓 北梗 前胡 知母 人

參 各半兩

右判每服三錢半薑五片烏一箇煎服

藕節丸 治傷力吐血

乾藕節 五兩 人參 一兩 款冬花 乾蓮肉 蛤粉 各一兩

乾山藥 杏仁 各一兩 棗兒 去核皮

右為細末加大蘿蔔一箇煮爛和前藥為丸如梧桐子大每八十九自湯下臨卧服忌酒

黃耆散 治吐血此皆由藏氣虛氣上衝所為

黃耆 剉 白芍藥 芍藥 當歸 桂心 黃芩

甘草 炙微赤剉碎

右為散每服五錢以水一大盞入竹茹雞子大煎至

五分去滓食後溫服

綿膠散 治肺損吐血

新綿燒灰 黃明膠炙燥

右等分研勻每服一錢臨卧糯米飲調下不計年歲

深遠並宜食後卧時服

治傷力吐血

用猪肝煮熟蘸白芨末服之

治吐血

益智一兩 珠砂二錢 青皮半兩

右為細末燈心湯加麝香少許調服

又方

生刺薊三兩 生地黄

右搗絞取汁入白蜜一兩煎三五沸不拘時候

紅花散 治吐血

紅花一兩 訶梨勒三枚連核生用 川朴硝五兩

右為散每服三錢以酒半中盞水半中盞煎至六分

去滓入赤馬通一合不計時候温服

二神散 治吐血便血尿血及婦人血崩不止

香附子

一兩燒存性

蒲黃

一兩炒

右為末每服三錢取大眼桐皮刮去青取白濃煎湯

調下一二服立止

地血散 治一切吐血便血能解一切毒及諸熱煩燥

茜草根

四兩

大豆

一兩

黃藥子

甘草

各二兩

右為細末每服二錢新汲水調下加人參二兩亦治

痰嗽有血

人參阿膠飲

治吐血

右用糯米二合淨洗煮粥入阿膠一片小者二片生

薑少許同煎候膠化温温入人參半錢攪和不拘時

候服之

四味丸

出十便良方

治吐血

生地黃

栢葉

艾葉

荷葉

等分

右四味爛搗團成雞子大每取一丸以水三盞煎至

一盞去滓温服不計時候

阿茄陀丸 出指南方 治先吐血後嗽血

胡椒 小藥皮 紫檀 鬱金 茵根 各等分

右為細末滴如丸桐子大每服一丸阿膠湯化下

又方 出朱氏集驗方 治吐血後應男子失血勞疾後

右用婦人初生男子胎衣以長流水直走不住洗去惡血待清汁出方妙以酒煮直待爛為度却不用鐵器煮止用瓶鉢之類俟其爛取出杵爛如泥次入茯

神末三五兩又杵覺乾又入酒些少又杵丸如梧桐子大每服百十九丸米飲或酒下或用人參湯於中更加茯苓當歸尤妙云服時有些逆人愚見加少麝香

於中尤妙 並朱左方

治吐血 出本草

以椰子漿飲之

治吐血 出本草

用鐳墨細研以酒或水調温服之

治吐血立效

右用生藕搗絞取汁每服一小盞入蜜一匙攪勻服之

卒吐血 附論

夫卒吐血者由心肺二藏壅滯暴熱所傷或飽食飲酒勞損所致也心肺在於上焦俱主於血若為邪熱所傷則血下脾胃得血則壅悶氣逆故卒吐血也

方

生乾地黄散 出聖惠方 治卒吐血皆因心肺暴熱毒入胃致

吐不止

生乾地黄 搗碎炒 阿膠 合黃燥 甘草 剉生用 黃芩 栢

葉 犀角屑 刺薊 各一兩

右為散每服三錢以水一中盞入青竹茹一雞子大煎至六分去滓不拘時候溫服

甘草散 出聖惠方 治卒吐血不止

甘草 剉生用 白朮 阿膠 搗碎炒 乾薑 炮製 黃芩 各

兩伏龍肝合一

右為麓散每服三錢以水一中盞煎至六分去滓不計時候溫服一方有附子三兩

阿膠湯出聖濟總錄治卒吐血不止

阿膠炙艾葉焙各三兩地榆各四兩芍藥各四兩薊根五兩

右麓節搗每服五錢水一盞半煎至八分至滓溫服

雙荷散 治卒暴吐血

藕節七箇荷葉頂七箇

右同蜜少許搗細水二盞煎至八分去滓溫服或乾研為末調服亦可

管仲散出聖濟總方治暴吐血嗽血

管仲一兩黃連去鬚半兩

右為細散每服二錢濃煎糯米飲調下立止

桂心散 治暴吐血方見本門吐血類

治卒吐血出本草

用屋上茅草細剉三升酒浸煮服一升水煮亦得

欽定四庫全書

卷一百八十八

蒲黃散 治卒吐血

方見本門 唾血類

黃連散

出聖 惠方

治卒吐血

用黃連末蠟各一兩先鎔蠟內黃連攪勻分為三丸

溫酒一升和一丸服之盡三丸便止一方糯米粥化

一丸服

艾膠散

治卒吐血

用乾薑三兩艾葉二升膠如手掌大水三升煮取一

升去滓又內馬矢汁一升合煮取一升頓服即止

治卒吐血

出聖 惠方

用生地黄搗絞取汁着瓷碗中膠如兩指大合蒸之

於三升米飲不熟適寒一服効

治卒吐血亦療下血

出本 草

用桂屑方寸七晝夜含二寸許服千金方同大神驗

治卒吐血及瀉鮮血

出本 草

右取小薊葉擣絞取汁溫服

治卒吐血

出本 草

欽定四庫全書

普濟方

三九

欽定四庫全書

卷一百八十八

以水服蒲黃一升

治卒吐血

出本草

右用向東者蓂荷根一把搗絞汁三升服之

白蓂荷今荆襄

江湖間多種之

吐血不止

附論

夫吐血不止者由心肺積熱飲酒勞傷之所致也肺為上蓋心肺俱主於血若上焦壅滯邪熱傷於諸臟則血下流入於胃中胃得血則滿悶氣逆故吐血也或有飲

食大飽未能消化心胃壅悶嘔吐又所食之物與氣上衝心肺傷裂胃腕則令口吐鮮血又有藏腑勞損氣血不和思慮憂愁恚怒氣逆結滯於胸膈之間傷損於肺肝心之臟則血流散故令吐血不止也聖濟總錄論曰臟真高於肺而主氣臟真通於心而主血臟真散於肝而藏血是三者或因憂愁思慮與夫恚怒氣逆傷之則氣亂而血妄行下於胃胃受之則滿脹其氣衝責於上者故吐血不止也

方

羚羊角散 出聖 惠方 治吐血不止

羚羊角屑 三兩 伏龍肝 五兩 熟艾 一兩 地榆 二兩 牛膝 去苗

牡丹 生乾地黄 栢葉 各一兩 白芍藥 四兩 鱘螯 五枚

切破慢 火灸黃 大薊根 三兩 雞蘇葉 一兩

右為散每三錢以水一中盞生薑半分煎至六分去

滓溫服

松花散 出聖 惠方 治吐血久不止

松花 一兩 甘草 炙微赤 紫菀 去苗 百合 人參 去蘆 白

茯苓 茵草根 剉 刺薊 各半 艾葉 一分 薯蕷 鹿角

膠 搗碎炒 令黃燥 生乾地黄 各一兩

右為散不計時候以粥飲調下二錢

百花煎 出聖 總錄 治吐血不止咳嗽補肺

生地黄汁 一升 生薑汁 半升 黃牛乳 一升 藕汁 一升 胡桃

瓢 十枚 研如糊 乾柿 五枚 細剉 研如糊 大棗 二十一枚 煮去核皮 研如糊 清

酒 用一升 已上除膠外餘同煎七味 一處入銀鍋中煎候沸方下餘二味 黃明膠 炙 燥

半兩為末用 秦朮末 湯浸去皮尖雙仁炒 杏仁 研如糊入煎中三兩

右相次下煎減一半却入上色蜜四兩徐徐煮火養成膠後入瓷合中盛每日三度服一匙頭糯米飲調下酒亦得

黃芩散 出聖惠方 治心熱吐血不止

黃芩 地榆 各一兩半判 玄參 茵根 各二兩判 寒水石 二兩

麥門冬 二兩半去心焙 川升麻 二兩 犀角屑 一兩 甘草 一兩炙微赤判

右為散每服五錢以水一大盞入竹葉二七片煎至

五分去滓每於食後溫服

大效聖散 出聖濟總錄 治吐血不止極者

金星石 銀星石 禹餘糧 寒水石 以上并研 不灰

木 半夏 湯洗七遍去滑生薑汁製焙 大黃 判 蛤粉

右等分為散每服一錢新汲水調更入龍腦少許佳

蕪解五毒

阿膠散 出聖濟總錄 治吐血不止

阿膠 炒令燥半兩 生乾地黄 焙一兩 人參 一分 黃蘗 去蘘皮蜜炙

蟬殼去土 甘草生判 黃耆判各半兩

右為散每服一錢糯米飲調下不拘時候服

麥門冬散出濟生枝 治吐血久不愈以三稜以於氣衝上

出血更服

五味子 麥門冬 當歸身 牡丹皮 人參

生地黄各半錢 黃耆一錢

右為麤末作一服水二盞去滓熱服

紅藍花散出聖惠方 治心熱吐血不止

紅藍花二兩 伏龍肝一升以水二升半浸取汁 亂髮灰一兩 甜竹茹

合二

右為散每服三錢以伏龍肝水一中盞煎至六分去

滓頻溫服

紅藍花飲出聖濟總錄 治吐血不止方見本門肺藏壅熱吐血類

治吐血不止出本草

用白膠香不計多少細研為散每服二錢新汲水調

下

治吐血不止口鼻血皆出者出本

以藕節搗汁服之良

茜根散出聖治吐血不止心腦煩熱

茜根二兩 白芍藥 麥門冬志心各 雞蘇葉四

薊根三 青竹茹四

右為散每服三錢以水一中盞煎至五分去滓入生

地黄汁一合攪勻不計時候溫服

地榆散出聖治吐血不止

地榆淨洗去 白芍藥 艾葉 小薊根各一 阿膠

三分搗碎 甘草一分

右為散每服三錢以水一中盞煎六分去滓不拘時

溫服

栝葉黃耆散出聖治吐血日夜不止

生乾地黄四 黃芩兩 栝葉 甘草炙微赤 阿膠

杆碎炒 黃耆到各

右為散每於食後以糯米粥飲調三錢服之

伏龍肝膏出濟生方治吐血不止及口鼻俱出

伏龍肝末 生地黄汁 麥門冬汁 刺薊汁各三

合白蜜半匙

右相和以慢火熬如稀錫不拘時候含半匙嚥之一

方無蜜以水調服

刺薊飲子出聖惠方治吐血不止

刺薊汁 生地黄汁 生藕汁 童子小便各二合

赤馬通汁一合

右和令勻每服一小盞頻頻溫服

苧根散出聖濟總錄治吐血不止

苧根 人參 白朮 蛤粉各一分

右為散每服一錢糯米飲調下不拘時候

栢葉湯出指南方治吐血不止

青栢葉一把乾薑三片阿膠三片炙

用水二升煮至一升去滓別絞馬通汁一升同和煎取一升綿濾過一服盡之一方無阿膠用艾亦可

人參散 出百一選方 治吐血不止

紫參 人參 阿膠 蛤粉炒成珠

右等分為細末烏梅湯調下

金光散 一名鬱金散 治吐血不止 方見本門 翹蟻類

又方 出聖惠方

又以荊芥搗細羅散不計時候以生地黄汁調下二

錢

金花散 出聖濟總錄 治吐血不止

黃蘗 去麤皮塗蜜炙令赤二兩 寒食麪 微炒一兩 黃明膠 炙一兩

右共為散每服三錢冷熟水調下食後臨卧服

鼈角散 出聖濟總錄 治吐血不止

鼈角 一兩剉作片子 蛤粉 一兩鼈角相和於鉢內炒香令黃色為度 熟乾地黄

一兩半 炮令乾

右為細散每服二錢食後臘茶清調下服藥訖可睡

少時

鬱金散 出聖濟總錄 治吐血不止

鬱金一兩 芡實去皮 黃耆判各一分

右為散每服一錢冷水調下不計時候服

補肺散出十便良方 治暴吐損肺吐血不止

右以成鍊鍾乳粉每服二錢糯米湯調下立止如無

糯米只用粳米不拘時候

神效丸出澹察方 治吐血不止兼勞心吐血

蓮子心七箇 江米各半兩

右為細末細墨研濃汁和前二味和丸如梧桐子大

每服二十九丸新水下一方作末酒調服名蓮心散一

方湯點服孫仲盈云曾以治人多有得效

二黃湯出聖濟總錄 治吐血不止

生乾地黄焙 蒲黃各一兩

右麤搗篩每服二錢水一盞入竹葉七片煎七分去

滓放冷細呷食後

謂胃散出聖濟總錄 治吐血不止

黃耆判一分 紫背荷葉焙半兩

右為細散每服一錢生薑蜜水調下不拘時候

白金散 出聖濟 總錄 治吐血肺損不止

白麩 九節菖蒲末 各一兩

右研勻每服二錢新汲水調下未至再服如中暑毒

氣生薑蜜水調下

生犀散 出聖濟 總錄 治吐血似鵝鴨肝晝夜不止

犀角 二兩鎊 屑生用 桔梗 二兩 生用

右為散煖酒調下二錢

箬葉散 出聖濟 總錄 治吐血成塊不止

箬葉 半兩 燒灰 楓香脂 一兩

右為散每服一錢煎黃牛皮湯調下不計時候服

人參散 出聖濟 總錄 治吐血不止

人參 一分 天茄子苗 半兩

右為散每服二錢新水調下不拘時候

黃耆散 出聖濟 總錄 治吐血妄行入胃吐血不止

黃耆 半兩 細判 五靈脂 一兩

右為末每服二錢新汲水調下不拘時候

青金散 治吐血不止

以青黛二錢新水調下

治吐血不止

用白馬糞燒研以水絞取汁服一升

黃藥湯

出聖惠方

治吐血不止

用黃藥子一兩搗碎用水二盞煎至一盞去滓溫熱

服

槐花散

一名萬金散 出聖濟總錄

治吐血不止

用槐花不拘多少燒存性研細入麝香少許每服三錢溫糯米飲調下一分不用麝香

治吐血不止

出聖濟總錄

用黃檳木不拘多少剉碎每服三錢以水一盞煎至

六分去滓溫服

如聖散

出聖濟總錄

治吐血不止

用上色白瓷碗碟為細末打皂莢子仁煎湯調下二

錢連三服立愈

如聖散 出聖濟總錄 治吐血不止

用楓香脂不拘多少為細散每服二錢新汲水調下不拘時候

蛛絲散 出聖濟總錄 治吐血

用大蜘蛛網一大塊於銚中炒令黃色研為散以酒調溫下

治丈夫婦人吐血連日不止粥食湯藥不能下者可用

用五靈脂不夾土石揀精好者不計多少為末研狗膽汁和為丸如雞頭大每服一丸煎熟生薑酒摩令極細更以少生薑酒化以湯盪藥令極熱須是先做下粥溫熱得所左手與患者藥喫不得嗽口右手急將粥與患者喫不令太多

治心熱吐血不止 出聖惠方

用生葛根汁半大升頓服一方用葛粉新汲冷水調服

治吐血不止

用管仲研細同生薑汁炒糖并花水調下

立效散

出十便良方

治吐血及鼻衄不止

右以伏龍肝二兩新汲水一大盞淘取汁入蜜一匙攪勻服之一方以水煎服

治吐血不止

出聖惠方

生藕汁

二合

刺薊汁

十合

右件藥合攪令勻入生蜜一匙調和令細呷之

治吐血不止

右蘆荻外皮不拘多少燒作黑灰勿令白為末入蚌粉少許細研麥門冬熟水調下一錢或二錢三服可救一人

治吐血不定

用川大黃一兩搗羅為散每服一錢以生地黄汁一合水半盞煎三五沸服之不拘時候

吐血口乾

附論

夫吐血口乾者臟腑虛竭榮衛不理陰陽隔絕陽虛於上故身體虛熱胸中否澀則口乾也

方

石膏散 出聖惠方 治心胃煩熱吐血不止口舌乾燥頭疼

石膏 麥門冬 去心各二兩 甘草 半兩炙 黃芩 川升

麻 生乾地 青竹茹 蘇蘇根 葛根 各一兩

右為散每服三錢以水一中盞煎至六分去滓不計

時候放溫服

杏仁散 出聖惠良方 治心肺客熱吐血唇口乾燥

杏仁 湯浸去皮尖雙仁麩炒微黃 赤茯苓 黃連 去鬚 梔子仁

黃芩 川大黃 剉碎微炒各一兩 桂心 半兩 蘇蘇 三分

右為散每服三錢以水一中盞煎至六分去滓不計

時候溫服

犀角散 出聖惠方 治心肺壅熱上焦不利吐血口乾

犀角屑 黃芩 人參 出蘆頭 生乾地黃 麥門冬

去心 蘇蘇 各一兩 甘草 半兩炙 杏仁 二兩湯浸去皮尖雙仁麩炒微黃

右為散每服三錢水一中盞煎至六分去滓不計時
候服

生地黄煎出聖惠方治肺熱吐血口乾心躁

生地黄汁升一生薑汁一白蜜合五生麥門冬汁合三酥

合五白沙糖三杏仁二兩浸去皮

右煎成膏不計時候半匙含化嚥津

傷胃吐血

附論

傷胃吐血病者因飲食過度傷胃或胃虛不能消化致

翻嘔吐逆物與氣止衝蹶胃口决裂所傷吐出其色鮮
紅心腹絞痛白汗自流名曰傷胃吐血

方

除濕湯出三因方治胃腕着濕鬱于經絡血溢作衄或脾不

和濕着經絡流入胃吐血

茯苓 乾薑各二兩 甘草 白朮各一兩

右剉散每服四大盞水煎服頭疼加川芎二錢煎止

浴室中發衄

加味理中湯 出醫方大成 治飲食過度傷胃不化致嘔吐其

色鮮紅或心腹絞痛自汗名曰傷胃吐血

人參 乾薑 泡 白朮 各一兩 乾葛 甘草 各半兩

右剉散每服三錢水一大盞煎不拘時候溫服去乾

葛加川芎治鼻衄理中腕分利陰陽安定血脈

雞蘇散 出聖惠方 治勞傷或飽食氣逆致卒吐血不止

雞蘇葉莖 黃耆 剉 甘草 生用 阿膠 搗碎炒黃 乾薑

泡製 艾葉 各半兩

右為散每服三錢以水一中盞煎至五分去滓入赤

馬通汁一合攪令勻不計時候溫服

五聖湯 出聖濟總錄 治飲食傷肺吐血並嗽血

木香 蜜陀僧 蠶殼 去足 甘草 剉各半兩 黃明牛膠

兩片將一片酥炙一片生剉

右麤搗篩每服三錢水一盞煎至五分去滓食後良

久溫服

理中湯 出三因方 能止傷胃吐血者以其功最理中腕分利

陰陽安和血脈方證廣如局方但不出吐血證學者
當自知之

人參 白朮 甘草 炙 白薑 炮炙 等分


右判為散每服四錢水一盞煎七分去滓不以時服
或只煮乾薑甘草湯飲之亦效方有官桂去麤皮用

白朮丸 出指南方 治傷胃吐血

白朮 兩 乾薑 黃耆 人參 伏龍肝 各三兩

右為細末煉蜜丸如梧桐子大每服三十九丸米飲下

立愈



普濟方卷一百八十八

總校官候補知府 臣葉佩蓀

校對官檢討 臣李鼎元

謄錄監生 臣張鵬程